

徂年集序

曩輯亥既集以中多噍殺之音非詩家正軌恆不輕示
人間以質吾鄉滄趣翁謬承獎借而言外之意似猶憾
其芟薙未淨比年以來檢篋中零藁復不下數百篇詩
學不進而無聊牽率之作亦終未能謝絕迴思老成敦
勉之言祇增愧汗顧私念余行年七十矣星紀一周而
世患尙未有艾自今以往方當守括囊之戒兒輩乞付
鈔胥姑徇其意鈔輯甫竣師鄭吏部適以落葉詩見示
因和其作卽署爲徂年集邇者往來津沽間有所作友
朋復懇惠存之續編爲簞藁附後知我罪我聽之後來
以言詩則猶門外漢也丁卯三月福廬山人識

一

因味其卦唱
檢晉故師其意
世患尙未言艾自今以去當守括囊之戒兒輩乞付
鈔胥姑徇其意鈔輯甫竣師鄭吏部適以落葉詩見示
因和其作卽署爲徂年集邇者往來津沽間有所作友
朋復懇惠存之續編爲簞藁附後知我罪我聽之後來
以言詩則猶門外漢也丁卯三月福廬山人識

匏廬詩存卷五

徂年集上

侯官郭曾旸

別西城寓宅

傳舍光陰歲又闌，露車身世敢求安。
燕巢暫寄元如客，蛭廩無多也屬官。
鑿井分教隣舍汲，種花付與後人看。
壁間留得山薑句，拂拭猶疑墨未乾。

卜地當時爲避喧，早將蓬戶例朱門。
榜廬恰稱巢居子，悟筆時看屋漏痕。
長夏樹陰隨就憇，窮冬鑪火易爲溫。
城隅一片行吟地，春草還應入夢魂。

題師鄭新輯名賢生日詩冊

大賢不世出，間氣偶鍾毓。
後生慕前哲，何由接芳躅。
嶽

匏廬詩存卷五

降湖生辰瓣，香志私淑禮。
有以義起盥，薦詎云黷。
此舉孰開先，向來闕著錄。
當代孫興公，故事胸爛熟。
瓶社嘗數典，上推蘇玉局。
臘筵筮盍簪，共泛杯中醪。
探懷出鉅編，次第若貫肉。
經師表一尊，詩派匯羣瀆。
提倡盡名流，咳唾成珠玉。
千載十數公，靈爽如在目。
禮箋詩史外，餘輦猶不俗。
繫余舊學荒，餘光慙炳燭。
學山等螻蟻，飲河譬颺腹。
一瓴容借鈔，尙友茲已足。

題沈苞九自繪琴舟月夜圖

畫手李思訓，琴心汪水雲。
竟虛彪虎夢，來狎鷺鷗羣。
明月眞無價，南風久不聞。
扁舟吾亦辦，鼓柁願隨君。

高穎生新葺烏麓先廬環翠樓落成有詩屬和

人生有幸生太平讀書奉親外無營千鍾未足傲三釜
萬卷直可當百城君家舊德吾耳熟有道不仕真高躅
懶看梅花大庾春自就家園藝梧竹一方祖硯尙傳孫
身退何妨道自尊大地有時岸爲谷窮陰萬事葉歸根
憶昔聯牀共燕邸狂歌痛飲圍城裏意氣飛揚方盛年
主憂臣辱輕生死我踏麻鞵赴秦關君行飽看浙西山
廿載星霜彈指頃中更離合雜悲歡離合尋常何足道
山川滿目傷懷抱曲江宮殿半蒿萊更問柳湖與松島
君今收身老一樓白雲蒼狗眞悠悠汐社過從猶幾輩
幔亭著錄足千秋吾廬亦在九仙麓荒徑無人問喬木
杜宇年時苦喚歸相思空谷人如玉

匏廬詩存卷五

二

橋叟約同又點赴月華貝勒邸看梅至則謝矣貝
勒以所著燕梅花候記見贈卽步卷中用東坡
和秦太虛梅花詩韻作寄謝

西梅復蘇東梅槁左右如扶醉人倒廿年手植見齊檐
愛花那計被花惱封姨連日肆雌威有約尋芳恨不早
仙姿終是與衆殊但賞殘妝亦自好輕紅塵裏得幾本
桃李紛紛直可掃主人好客復好詩風流不減樗軒老
急呼淪茗佐清談更與探懷出吟草明年花候須記牢
領略春光及晴昊

笏齋前輩惠寄文恭師瓶廬詩藁刊本敬誌二章
一斥羣飛事可吁發蒙振落不斯須曾將識畫評書眼

默數中州士大夫

三都賦豈煩元晏甘露碑終累裕之斬斷葛藤眞快事
龍門百尺本無枝

弢園主人出示其先王父九九消寒圖手蹟屬題
十日一水五日石崑崙方壺侈眞迹不如渲染沒骨圖
裝堂鋪殿精楷模怒氣作竹喜氣蘭風枝雨葉來無端
不如流傳喜神譜小蕊大開足意趣九九諺出田家志
剪紙調脂近遊戲誰歟運腕妙寫生展卷雅人見深致
一陽來復天地心次第春光靜可尋瑤草琪花石供古
重茵複幕畫堂深東南半壁烽煙靖榮光出河通瑞應
雲臺上將數高勛官閣水曹自清興五十年來手澤存

匏廬詩存卷五

三

摩挲故物重瑤琨曾供乙覽睿思殿好伴新圖水竹村
燦爛雲章親弁首子子孫孫當世守渡江又見歲華新
珍重亭前舊垂柳

亭前垂柳句爲南齋消寒故事見饒毓亭詩注

泊園讌集觀移疏與芝洞對局戲示移疏

不能擔糞能著棋君視逋仙似勝之圍棋中正古亦有
胡不賭取宣城守開關延敵百二秦六國當之輒逡巡
羣公自作壁上客我比宋五尤坦率一局未了日易斜
放下棋子且看花花間雜坐恣談謔亦復不減商山樂
世事而今滿盤錯可憐國手儘閒卻

題成竹山澹庵圖

澹庵當南渡聲名動金虜竄迹落荒坐與秦奸忤黎

渦暫一醉感激入詩語瘴海雖云遙猶是宋家土君豈
慕其風亦以澹自署枉道恥干時抗心獨希古強臺已
垂上翩然棄簪組一庵於何託橫流遍區宇敢望胡邦
衡方從謝舉羽畫師殊有意染筆翻新譜琅玕似高人
芙蓉若靜女松石各清奇雲林相媚嫵紅塵所不到別
自成洞府日對古人書閒邀樵牧侶迴視酣豢場鷓鴣
笑腐鼠人生何必同大節觀出處隆中無元德此身肯
輕許澹泊足明志天地一逆旅

高里 楊雲史寄示癸丑北游詩草

睂井沈函君始出孤燈兀坐我誰親閉門合轍初無意
斫劍高歌似有神歷歷都成過去史茫茫孰測未來因

匏廬詩存卷五

四

江南獨羨家山好草長鶯飛又幾春
碧海歸槎悔壯游人間何處鳳麟洲
六朝花月渾如夢
萬里江山獨倚樓肯信英雄造時勢
但知骯髒勝伊優
漢家九葉皆全盛賸與銅仙暗淚流

書瞿文慎言臆詩後

樞垣簡重臣所職在承旨明良一德孚諸城代有幾興
元昔播遷內相恩不訾時非元豐盛事甚會稽恥琴瑟
有更張舊防烏可毀老成持重心翻爲衆集矢猖狂白
梃徒佻達青衿子一夫忽夜呼亂者遂四起公然鼎問
周倏爾天崩杞迴溯去闕時未逾五稔耳公言實著蔡
公神在箕尾可嗟負國流乃將氣數諉往者不可追敬

用告來史

烏石山道山觀後院有壁畫怪松一株壬申歲與
亡友劉紹庭同游各戲題一絕其下乙巳旋里
訪之畫與詩剝蝕殆盡惟紹庭作首二句尙約
略可辨偶然憶及爲演成律句示孟純

獨樹號風聲不哀虬枝何日更西迴豈知寫照成今我
尙憶重游一拂埃鼎鼎百年同向盡沈沈萬念漸成灰
山公愁對嵇延祖近况誰從報夜臺

譚生步溟蓄舊簫一云係國初物爲其師曹姓所
貽者乞詩紀之

伶倫截管應鳳鳴黃鍾萬事從此生子淵賦手已不作

匏廬詩存卷五

五

况起后夔奏九成

康熙天子開太平律呂正義通神明手定樂章薦郊廟
師聰匠巧爭效能慈母山中選珍篔宮商吻吮一一諧
韶鉄流傳市肆人不識曹君得之愛玩忘寢興廿年師
授有神悟持以相贈意匪輕邇來胡樂亂人耳侏儻傑
侏難爲聽願君寶此永無斃當與鐵厓鐵笛並壽千秋
名

次韻和樊山前輩喜雨作

鶉鳩連日報佳音遍地枯苗正渴霖泥轍當門甘裏足
檐聲到枕乍清心已愆麩麥初番信新展芭蕉幾尺陰
遙助老農歌飯甕詩翁敢惜墨如金

秦中宦蹟難忘處何止扶風志喜亭老去灌園聊食力
誰歟築野應圖形好蘇凋瘵如蘇槁盡洗氛霾更洗兵
一雨豈惟助詩料憂時自寫寸心誠

日來雨仍未足疊前韻呈樊山

阿香喚起鼓雷音久旱方需三日霖忽地催詩疑有意
到頭潤物似無心滂沱虛想月離畢膚寸依然雲斂陰
安得天瓢一翻倒盡令焦壤變黃金

社屋已荒舊壇墀乾封更說古云亭馬鬣涓滴曾何濟
蝗孽埋藏但未形雜水嘗聞軒后醮昆陽猶助漢家兵
桑林六事當誰責太極無爲只一誠

來詩及大
內祈禱事

和養知書屋船具十詠

鮑廬詩存卷五

六

孤篷何處泊長路正漫漫幾費湘筠織聊將海粟觀遮
頭焉可少容膝固能安誰識舟中客臨江集百端

篷

青冥吹忽上一幅挂當空高駕蓬萊浪潛驅閭闔風沈

舟看汝過破冢豈天窮可惜隋宮錦迴撻聽未終

帆

餘艍愁失水篠簷亦因材旁岸紛交錯盤渦幾溯洄豈

堪濟滄海安得鬻離堆賸有蜂窠眼勞勞閱去來

篙

七尺舟能制論功亦不微黃頭多狎習青翰借光輝擊

楫心猶壯迴橈勢欲飛端陽簫鼓競果否奪標歸

槳

使船如使馬南客夙稱能舸艍容潛伏呀吭豈易凌乘

流互鴉軋搖夢入曹騰爲問僧珍輩千張辨可曾

櫓

大廈資梁棟風波况涉川孤舟眞渺爾一柱獨巍然樓

檄知難倚都盧或善緣留人憐語燕何似舊堂前

檄

神山不可卽碣岸復多歧幾輩爭津要何人任繭絲重

煩繪錦費虛意縛縵維坐看東隅逝苞桑計已遲

纜

狂瀾期共挽其奈峽程艱當道防豺虎徵材到蒯管全

身牽一髮前路阻千山估客偏饒樂攤錢白晝間

百丈

泛泛終何適茫茫未有涯長歌悲小海失計鎖支祈夜

壑輕移去中流坐鎮誰同舟皆敵國聚鐵在鑪錘

梳

胥溺能無懼安危仰舵工把持須定力轉捩見神功入

甕愁人鮮迷津誤海童橫流何所屆吾欲叩蒼穹

船

次韻和樊山端午日作

客中節物益蕭然休說城南尺五天已見烽煙彌楚澤

魏廬詩存卷五

七

正憂暎早似湯年小詩姑付題襟集急鼓何心競渡船

角黍蒲觴只隨例呼童檢取畫叉錢

寒鑪灰裏撥陰何禊飲年年續永和過眼流光如激箭

賜衣故事感香羅生非胡廣難諧俗畫對鍾馗肯啖魔

滿蘸雄精寫王字且看繞膝戲寅哥

觀奕次師鄭韻

試憑方罫看山河四面而今盡楚歌謝傅虛誇鎮物度

鄭莊猶戒上人多消將長日能無事急矣南風可奈何

成敗英雄原不計只憐方寸自焚和

橋中坐隱與方長豈意修羅劫未央已辦丸泥塞函谷

直將銅柱倚扶桑馬須厯塊知材劣魚誤吞鉤爲餌芳

撫枕可勝宣武恨何勞局外更評量

青坂陳陶無限悲卻思黑白未分時上流隱具建瓴勢
閨位元爲歸劫奇此去黃龍期痛飲卽今烏鵲失安枝
逢蒙學羿眞高足莫怪矛爲陷盾持

堂堂赤縣舊黃圖變作蠶叢鳥道紆蠶起江東成勁敵
梟鳴稷下漫多儒終場方悟從頭錯當局甯甘斂手輸
龍鳳累成皆死子曙天寥落一星孤

明燈空局夜垂殘感激徒摧壯士肝賣塞但爲奴輩利
上天至竟蹇人難頭風展檄聊爲快口血要盟固易寒
清泚金溝總陳迹莫教井水再波瀾

是非難掩晉陽秋休說中興第一流洛汭忍聞歌五子
易京坐據有千樓計窮強借神叢博事去誰爲肉食謀
天道好還君識否前因後果盍推求

夏日遣興

寸許金鱗魚可翫不可食蓄之盆池中戲藻亦自得
屋角搆蜂窠時聞午衙闌窗紙何關渠鑽成千百孔
兒童散塾回羣聚觀螳鬪但見伏屍橫不知孰勝負
虛堂乍上燈青蟲撲無數流螢獨倏然自度竹間去
齋壇老道人聞名未曾覲蹠躑胡爲來與汝俱失職

熙民見示高曦亭前輩甯河唱酬詩札書後

民勞思衆母世亂薄迂儒傾蓋歡如故鳴琴道不孤時
無魏環極誰識陸當湖父老猶能說棠陰舊酒壚

宋漫堂太宰六十六歲小影裔孫子元參戎乞題
翩翩宰相子宿衛猶未冠敷歷盡亨衢晚更膺殊眷三
吳財賦區開府難其選坐鎮逾十年清德被閭閻西陂
魚麥堂退休懸夙願南巡再迎鑾江天拜宸翰葡萄已
垂實君恩終戀戀平生慕坡仙侍側圖婉孌元之嘉泰
本補葺完斷爛當時風雅場肯讓漁洋擅此圖出誰手
未共楹書散想見公退餘官齋坐清晏聖清一四海康
熙比貞觀明良不可作盟手祇讚歎書來獻

涵萬閣坐兩次樊山韻

驕陽炙背苦牆東難得佳期賞雨同遙想大田歌有滄
豈無征士怨其濛閒繙晉帖黃庭本似泛吳船碧浪中

匏廬詩存卷五

九

歸路墊巾還不惡夜涼添得課詩功

奉 敕題內府舊藏錢舜舉右軍觀鷺圖敬遵

純廟御製原韻

題扇流觴韻事多傳神畫史妙如何書家臆斷終穿鑿
指勢懸猜撥水鷺

燕京壇廟解邸花木見於前人記載者滄桑歷劫

或存或亡涉歷所及雜紀所見得八首

庶常館老桑

見身齋詩注相傳洗眼最效

王人微在諸侯上殿體摹書愧未工老託青盲吾亦得
漫思乞葉洗雙瞳

庶常初入館館吏例送認破單列應謁前輩科分次第及與中外大僚相

見禮節未有王人雖微在諸侯上之語

社稷壇胡桃樹見葺石齋集樹在壇之巽隅近太常齋宿處壇今爲公園惟古

三桃舊著安仁賦雙樹猶傳葺石詩說與游人應不省

朝衣手攬記年時陳澤州有詩嘗屬禹慎齋爲之圖戊戌冬以讀學到閣詢之吏役皆莫知

九重歷歷記巢痕散木難忘雨露恩清絕楮窗塵不到

我來猶及見陳根藤花有兩處在司廳者未獲觀吳文定所植在穿堂右偏爲吏部各堂治

吏部藤花事之所據紀河間集文定舊植已燬於火乃後人補植者辛亥春以會考揀選舉人至此唐文簡太宰爲置酒其下流連竟日

宏治追懷手植年匏庵畫卷落誰邊春光半去甯能料

空記論文一段緣禮部壽草

禮部壽草詳見紀文達筆記梁退庵南省公餘錄曹文恪長禮部時改名長春草並屬陳約齋員外爲圖天澤堂榜額及楹聯亦文恪所書禮部舊址今改設郵政局一切文物掃地盡矣

花如火齊實如珠后土瓊花二本無天澤已隨堂榜燼

倩誰重寫約齋圖有刊壁圖及純廟御製詩庚子

枯幹重榮事絕奇慈甯上壽值昌期孔林幾有樵蘇厄

似爾孤根亦可危派兵守護成均故物賴以保存而民國初建東省軍隊乃有議斫鬻孔林樹木者可慨已

極樂寺海棠

前人題詠甚多光緒初元猶及見其盛近來殿宇圻毀略盡海棠亦

無幾株惟東偏舊題國花堂扁尙存

計車逐隊謁龍津帝里風光領略新莫悵國花淪宿莽
舊游裙屐總成塵

增壽寺柰花

亦見韓石齋集實蘋婆花也全謝山嘗辨蘋婆非柰未知如何丁亥

歲殯先室馮夫人於此

此生未作稽山土猶爲尋春策蹇經四十年前營奠地
兩株玉雪尙亭亭

薄薄酒和樊山作

薄薄酒莫笑平原督郵醜醜婦亦有諸葛黃頭人生萬
事皆定分執鞭富貴甯可求貴無過秦皇漢武富無過

魏廬詩存卷五

七

猗頓陶朱長城築怨輪臺悔計然十策亦區區千年令
威化鶴返人民城郭迴望但嗟吁而况造化忌滿人事
無常高位疾顛多藏厚亡郿塢積貲不救然臍鄴臺故
伎猶聞賣履上蔡憶牽黃華亭悲唳鶴主父太橫終遭
五鼎烹鄧通到死不得一簪著秋壑愁聽杭州歌鈴山
老向卑田託青史昭昭炯鑒懸後車不戒前車覆胡爲
乎取快須臾耽耽逐逐佩六國印豈如富春江上擁羊
裘聚五侯鯖豈如紫陽山中飯脫粟清河錄書畫平泉
記草木豈如蘭成小園杜陵茅屋君不見北方亢旱春
徂秋紅女停機農釋耜東連兗豫西晉秦赤地縱橫幾
千里草根樹皮都齧盡鬻到牛驢及婦穉飢驅沿路空

呼號野宿蓋棚暫棲止霜風轉盼已戒寒凍餒終知同
一死監門之圖繪不盡司農仰屋但坐視鳳城誅蕩九
門開甲第連雲車流水千金一笑狹邪遊百萬一擲携
蒲齒越羅楚練照耀輿臺軀無非吮取閭閻之膏髓天
道好還出爾反爾銅柱有時傾冰山能久倚儒之言曰
節欲老之言曰知足佛之言曰修福三教雖殊旨則同
誰能喚起沈迷使夢覺薄薄酒休厭濁且飲一杯歌一
曲猿鶴蟲沙滿地飛至竟中原誰得鹿

生日避客師鄭送詩四章率筆奉酬

天荒地老一遺民大患都緣有此身石建未忘書馬譴

時校勘實錄黃綾本甫畢

微生重愧乞醯鄰

今年與親友約勿以酒食見饋有移以助賑者

苑廬詩存卷五

三

草鋪稻藁談鄉俗

杭俗以八月二十四日爲稻藁生日

如草鋪之謠

撞竹梅花感戰塵覓句閉門聊遣日淒涼懷抱

向誰陳

壇坵當年迭主盟覃谿推重獨新城

來詩引漁洋覃谿皆八月生日偶

拈肌理追神韻爰變丹青本玉瑩殘燼四朝勞掇拾賡
歌諸老際承平逢君只恨吾生晚把卷空深望古情

潘四農論前代佐命謀臣歷舉留侯武鄉魏鄭公

劉誠意又謂武鄉以後必推誠意余謂武鄉一

心扶漢雖屈志三分要爲三代下第一流人物

不得相提並論鄭公讜論始顯於貞觀無佐命

之可言若論佐命則趙中令亦有不可沒者然

三公心迹不同遭際亦有幸有不幸偶抒所見
恨不起四農而質之也

子房初結客志在復韓仇邂逅遇沛公言皆水石投韓
仇非獨秦更有楚沐猴贏顛項亦亡天意屬炎劉丈夫
志願遂何用萬戶侯辟穀謝人事請從赤松游傲然方
寸心可以質千秋

清流擒暉鳳學究起窮村吾疑陳橋事普也實預聞雪
夜驚叩扉家人語何親僭偽以次除算定無遂巡五季
適厭亂生民願息肩兵權釋杯酒方州用文臣魯論致
太平不盡是空言

青田抱奇略非能終養晦逆策張陳亡如燭照數計明

抱廬詩存卷五

三

祖用其謀陽尊實陰忌既登九五尊乃不共天位論相
及汪胡彼哉斗筭器談洋藁爾地何足言王氣誰誦郁
離書流傳僅識緯

題徐驗修封翁山居課子圖

長白寶幢亘萬里松花江魚尤雋美百年寄集成通塗
人言風景江南似徐君邱壑性所耽明時抱道甘龍潛
挂瓢每從巢父飲插架獨有鄴侯籤當時膝上置文度
駒齒龍文早騰譽持節今看衣錦行繫舟舊憶讀書處
翠壁丹梯照眼明深衣道貌儼平生畫圖付與荆關手
想見終身孺慕情

九月朔日師鄭集同人拜王船山生日敬賦

明祚邁陽九賢者歌戾屯南有顧與黃北有李與孫天
將開昌運俾之扶彝倫聖朝亦寬大不强就元纁衡陽
最枯槁聲光獨闐然石船土室中兀兀能窮年中興起
楚材遺著始就刊湘鄉序其書首揭禮與仁庶祀躋三
儒廷議猶斷斷容臺迹已掃疏藁亦封塵開雲見天柱
惜哉噫嗚昏

船山著黃書意在區華裔豈知九州外島國猶鱗次中
華數千年禮教實維繫自從市舶通征撫頻失利淺夫
見眉睫侈語富強計旁搜畫革書六經芻狗棄徒長民
氣叢中權失宰制天運迭循環盛衰無常勢兵禍一開
端環球皆鼎沸橫流日滔滔未知其所屆畫虎竟何成

匏廬詩存卷五

十四

爲戎但可涕誰振三極維欲起九原質
世變難究談無已姑談詩夕堂永日話別裁亦吾師旁
通及經義祕旨誰復知詩源出三百齊魯說已微廣義
本韓嬰曼衍非支離鄭齋老幼學強記獨無遺拈出夏
屋章四座咸解頤周官重樂語植德在初基彬彬二雅
材皆可備周咨孰令庠序廢乃使游士滋

大酺連三日五色旗飄揚杜門久不出見此心旁皇云

是重十節舉國皆若狂今年復明年此日不可忘

宋徽宗以

十月十日生號是日爲重十節今民國紀念據西歷適與之合然徽宗乃北宋失國主是日實非吉日改重爲雙彌不吾曹獨何事相尋寂寞鄉尙友思古人安得見
羹牆迴湖九載中兵火連災荒竭澤魚尾頽戰野龍血

黃將弔更相賀無乃反天常微吟雁字詩船山雁字詩前後各十九首
秋色正蒼涼東周終已邈噩夢誰能詳

耿伯齊戶部以令外祖張溫和公小重山房詩集

見貽並附詩三章寄和

天瓶家法叟東派珍重遺編手盪薇詩史卽今資考信

祖庭在昔溯傳衣先祖戊子鄉舉出溫和門下不虛宅相陽元在尙

憶坊居次道依莫向長安問棋局五湖煙水足忘機

日本文學士諸橋轍次持江叔解書來謁並以其

師竹添光鴻所著毛詩會箋見貽走筆報謝

金絲孔壁出秦餘海外猶多古逸書絕學幾人實津逮

橫流今日恐淪胥茫然空谷慙蓬藿莽絕神州念輔車

魏廬詩存卷五

五

通德尙存門下士瑤華折贈感何如

金焦題鄧守瑕禮塔園圖

射洪不作眉山逝當代吾猶見鄧侯向誦新詩輒低首

不知梵行早精修

一葦何時渡達摩萬松爭拜老頭陀買隣千萬無逾此

恰傍當年翠堵坡

治國治心語不煩從容一錄具淵源湛然地下應微笑

副墨今傳洛誦孫

曾過吳門訪網師平泉花木有微辭浮屠三宿甯初意

滄海橫流此一時

句漏丹砂不可求移家未若住閭浮雙峰七祖知何指

豪叟箋詩亦刻舟

倚樓看鏡壯心消禪板香燈自暮朝南北一家爭底事

路人休唱塔兒謠

靜聽鈴音轉相輪種松待看作龍鱗求詩問法都無礙

誰是宗雷入社人

朱門非復舊青藤

遺聞編日下故應傳寫遍霜繪

甲黃孝子唸池

五倫廢其一大亂已如此孤蓬生麻中奇哉黃孝子孝

稱貸求醫醫言不可為到股和藥不效又刲其

兩臂母竟死孝子亦投纒殉鄉里感其孝為經

苑廬詩存卷五

紀其喪有謝姓者前夕夢孝子為母求棺因購

棺以贖張逸少明經有文紀其事並為徵詩其

子無室家亦不通書史託業溷市屢傭身供甘旨母身

即兒身微命相依倚殉生或近愚未可責常理自從新

學興禍有烈洪水倡言敢非孝吾聞欲掩耳其愚乃至

誠誠至感神鬼鄉閭爭助葬此邦亦仁里人生非空桑

詎忘帖與呷嗟彼梟獍徒云胡不遄死

客有談嚴灘之勝者偶感舊游率筆書此

越中山水吾遍歷扁舟尤愛富春江大癡畫筆有不到

煙嵐幅幅當篷窗勿論七里七十里無風有風皆可喜

越中山水吾遍歷扁舟尤愛富春江大癡畫筆有不到

春山畫眉聲不斷
秋林紅葉如錦綺
咄咄巖子陵何修
而得此婦翁爲神仙
故人作天子
萬古灘頭一釣臺
漁兄漁弟敢爭隈
謝朝枉復招魂哭
葉李也曾充隱來

橘叟招同絜齋畏廬巴園薑齋又點諸公釣魚臺
雅集卽席賦呈

近郭無數里
佳辰約屢愆
入門瞻御藻
坐石接談筵
鳥雀新晴語
松蘿太古煙
西郊池館遍
都遜此幽偏
舊德尊經席
新恩賜鏡湖
壤渠源自活
敲棟手重扶
勝日宜休沐
遙嵐似畫圖
漫牽聽水夢
人境有方壺

題秋岳甥所藏王阮亭手批鈐山詩選

愛好漁洋是夙心
鈐山十載感何深
渭城忍俊流傳句

匏廬詩存卷五

七

跋尾猶容拾碎金

青詞唾罵滿人間
侈紀恩榮不汗顏
苦覓箇中冰雪語
大都少作已從刪

百泉序又升庵序壇坫
當時幾盛名
匹似醉書綾
穢字白頭金齒可憐生

心畫心聲總失真
遺山昔已誚安仁
纍纍賊貫冰山錄
此本翻爲度閣珍

松筠諫草贖虛堂
不獨慈仁寺址荒
文武卽今憂道盡
休論遺臭與流芳

題吳芝潭大令銅鼓圖手卷

範銅爲鼓孰權輿
伏波名先諸葛著
南海廟中傳有二

何時其一已飛去子才早歲客桂林幕府知名由此賦
後來名流借署齋更以收藏相矜詡厥初冶鑄殆千百
歲久沈埋稍出土廉州有塘欽有村爲嶺爲潭難僂數
或鳴集衆或樂神蠻俗相沿敢輕侮粵人爭誇銅柱功
蜀人自愛綸巾度物惟以罕逾見珍名從其朔詎忘祖
此鼓得從劍江湄五溪源流近可溯渡瀘軍行疑未經
證爲伏波非莽鹵我但見圖未覩器咫聞略記先朝事
黔居西南萬山中行省始自晚明置犬牙相錯盡苗疆
叛服無常勞控制啟禎末造益陸梁國初猶用羈縻計
憲皇御宇席重熙西林首畫歸流議詔稱天賜褒奇臣
金印煌煌手鑄昇始於長寨終古州天兵所加咸震悸
一時之勞萬世功盡變狂榛襲冠帶二百年來文化濡
遂與中原齊風氣庚戌橋通萬里郵丹江麥獻雙歧瑞
當時奏牘據圖經故有諸葛屯營在吳侯治行古人期
惜乎生晚太平時能將忠信行蠻貊未改書生結習癡
歸裝攜此聊自賀同官好事皆能詩葛耶馬耶吾莫贊
爲君泚筆起長歎君不見辛壬之際皇綱絕海內騷然
無甯日滇黔險遠獨負岨近亦操戈起同室陳倉石鼓
委榛蕪渭水銅仙餘鳴咽紛紛自大井底蛙茫茫天意
三分策黃圖赤縣莽烽塵過眼空花總陳迹摩挲古澤
自堪親何用拘牽考來歷

匏廬詩存卷五

六

有詩紀事並索和

浮雲世事逐時改萬古江河有不廢承明風雅久寢聲
赤手扶輪屬吾輩長安花事趁歲朝不待及時出窖賣
累車連擔向誰門但賺貴游與駟儉豈知輓紅塵坊中
別有蕭閒詩世界人日初過穀日來甕破臘酷盤生菜
風雨不愆夕社期少長咸集蘭亭會眾香國裏闌吟窩
刻燭攤箋夜未艾僞周南宋摭遺聞駱檄汪琴寄遙慨
是日所賦爲駱賓王在元量故事月泉生面又重開苦吟不落江湖派
牙牌分榜費平章玉尺互持隨殿最斷無飲墨困難題
儘許奪標歸滿載聞公彊識復博聞羞學玉溪事獼祭
樊山廣大今香山雲夢胸吞不薺芥三元連掇傲孫楊

魏廬詩存卷五

十九

一氣相投眞沆漉已欣懷袖得驪珠更與于喁賡鳳籟

長歌紀事興有餘急索和章倚馬待十年此調久不彈

自笑陋邦比曹檜閩中京僚擊鉢之會始道光初年辛亥後已不復舉巢痕天上

掃都非臣筆雖慙臣酒在昨者里社鬪春燈又得御園

好圖繪吞聲猶見曲江春掩淚還從杜鵑拜是日余所得有杜鵑

花一種上元同鄉燈社又摘髭科第世方嗤過眼風光天不貸貞元朝士幾健存不覺沈吟增感喟聯珠五緯

已無靈去歲陳仲鸞重唱鉢集嘗以聯珠名社或冀德星銷筭字

樊山次韻見和前作疊前韻奉酬

韓碑清廟可塗改鄭學穀梁能起廢斯文薪盡火更傳

不妨後生喚先輩異時嘗笑杭大宗老將破銅爛鐵賣

竈炊牆築言不售稗販猶思傲牙僧平生學止小乘禪
愧未華嚴窺法界揚雲少作悔雕蟲嚴陵求益嗤買菜
樊山詩老老斲輪大才槃槃一都會宗工世久仰山斗
龐福天還俾耆艾早從莊叟悟逍遙不似靈均專感慨
世人自競洛蜀爭詩家本無唐宋派別裁僞體還清真
甄綜羣流得要最醉翁門下雜逕賢往皆垂橐歸捆載
玉川枉爲月蝕悲浪仙苦辦歲除祭豈如此老常陶然
豁達胸中無織芥安樂窩裏不睡龍飽嚼金英餐玉漉
時時弄月復吟風吹萬不同盡天籟郵筒纔往報章來
對客揮毫不少待論才豈止三十里信知大楚殊小鄣
玉山圭塘幾壇坵典型已邈風流在春明此會不可忘
安得好事張圖繪年來百事儘疏慵低頭只下詩龕拜
廿四番風次第來天將歲月閒人貸舞雩童冠相詠歸
千載如聞宣聖喟雞林儻有購詩人餘瀝從公丐酥字
鈔吳野人陋軒詩一冊書後

菴廬詩存卷五

三

陶杜而還有此詩漁洋確士未真知苦吟落得身貧賤
殘燼應關鬼護持上座敝衣名士會荒邱宿草故交悲
篝燈錄罷重尋諷益信潘翁不我欺

潘四農詩話謂野人詩字字入人心

附始天地元氣所結

樊山三月五日理齋集同人鏡清齋修禊分韻得曲字
大澤起狐鳴堯心厭黃屋當塗覲代漢焉知大命促羲
和失厯官槐火十鑽木人情日遠忘萬事如轉燭茲辰

肇上古義本取豐浴秉簡鄭漆洧置酒秦河曲永和迹
亦陳蕭選偶闕錄樂游與芳林應制猶累牘時和及萌
生事往悲陵谷祇今曲江頭蒲柳爲誰綠農田猶屯膏
隔林聞布穀賡歌想承平時下黃鸝
去年登塔山緣坡紅紫簇今年花信晚山桃纔吐馥歡
場如搏沙盛會難爲續但呼我輩人幽賞亦自足拏舟
出中流魚鳥漸相熟選石得湖黿銜花隨野鹿卽景恣
流連雜坐忘拘束笑攬化人裾醉歌小海曲攝入牟尼
珠羣仙同繪幅人生屐幾兩世事棋一局閒客此閒行
幸無官謗速開軒及晚晴且罄樽中醪

理齋得新拓唐甄美人像屬同人分題

匏廬詩存卷五

三

翻鴻留片影誰剔古苔蒼畫史甯無意甄文惜未詳盤
匣中饋職巾褶內家裝莫話臨邛事唐陵草亦荒

當墟圖

吳帶曹衣外殘甄獨自完不知羅黑黑何似李端端乍
醒巫山夢如聞漆室歎人間寶甌甌猶作洛神看

欠伸圖

理齋又出唐甄美人像二幅屬補題

雀舌采靈芽蟹眼候文火肯學金屋人妝成薰香坐

煎茶圖

量珠買傾城不如樵青婢欲喚杜于皇爲君說茶喜

雖非解語花也算調羹手稚長可監厨愧彼巾幗否

烹魚圖

鯉尾與猩脣雋味知誰好慨鬻懷西歸令我傷周道

次韻和陶廬方伯七十自壽作

兵塵弗戢歲仍飢世局依然似亂絲
油素空持三寸管
干將未抵兩錢錐
長歌車下嗟衰鳳
失笑泥中看墜鴟
萬里玉關生入苦
知公回首尙西悲
七十平頭不稱老
天倫奇福復誰齊
早研絕學成麟角
晚契元言悟馬蹏
縹帙春生書帶草
冰壺晨飯薩波齋
韓豪一代文章伯
賸有閒情賦鬪雞

落花二十四首效王船山體

驀地罡風爾許狂
青春受謝去堂堂
分明玉宇前身夢
懊惱金樓半面妝
海上琴心傳止息
雨中鈴語怨郎當
倡條冶葉東西陌
一曲燕臺枉斷腸

匏廬詩存卷五

五

披香殿下錦千株
幻相留看沒骨圖
黃胖登場紛土偶
玉腰作賊是家奴
放來風箔終朝盡
賭罷瀛塵幾局輸
翦紙鏤金儘兒戲
欺人賴壤笑空糊
亂飄曲檻拂低檐
一片辭枝可得黏
羽服微聞歸後語
蜜房至竟爲誰甜
相憐河畔青青草
莫唱江南昔昔鹽
九十風光彈指去
坐看紅日下西崦
十萬金鈴穩繫梢
禁他雀啅與鶯捎
將離芍藥空持贈
一現優曇亦幻泡
湘管漫徵榮辱志
翟門眞見死生交
餘分蠅紫方乘運
寂寞元亭詎解嘲

錦繡河山坐陸沈
青銅曾照去來今
豈聞糞壤開黃玉
誰遣湖州悵綠陰
長日蕪園惟醉卧
三年息國或陽瘖

追蹤輪與狂夸父投杖猶能化鄧林

豈待胡僧話劫灰傷春有淚化瓊瑰迴風旖旎猶依草
伏雨闌珊又送梅度索山荒餘鬼窟沈香亭倚想仙才
錦棚宴罷賓雲杳留與人間唱可哀

影事冬郎篋衍編金牀玉几想當年海棠初上黃昏月
茸母長愁寒食煙烏喚奈何難共命蟲號且過豈能天
殘紅狼藉無人管扶醉誰來拾墜鈿

神仙豔說蕊珠宮須信高枝易惹風萬國傷心簪白柰
十番得氣憶紅桐紛紛但見隨流水咄咄何從問太空
怪殺鶴林殷七七非時強欲奪天工

開已蹉跎落更輕是因是果不分明彌天兜率刀成雨
當日摩訶錦裏城蛛隱終憐龔勝天蝶飛都學魏收驚

魏廬詩存卷五

三

東風自長蓬蒿力安得遮藏見太平

青陽陽九戾方丁某卜筮占總不靈幾許橘林隨蠹化
一般荔殼坐猩刑遺黎有恨編南燼商女何知唱後庭
休問華林興廢事舉杯聊可勸長星

判斷從誇羯鼓能封姨作劇忍憑陵瑤池可待三千歲
閨苑虛傳十二層擣麝香塵知不滅莽蜂辛螫盃前懲
蜂螫偶趁幽陰出楚楚衣裳也自矜

去日安知來日難休言春水甚卿干無多邱錦甯禁割
失笑劉棉卻耐彈碧海未填精衛恨青冥恐竇望舒團
仙山聞有桃都樹可許扁舟拂釣竿

曾見當筵舞態新那堪生意屬流塵
研羅唐苑山香舞
金帶揚州芟尾春
廣樂鈞天渾一夢
重陰舊圃倏爲薪
折枝留向猩屏看
百子圖中費寫真

紫陌青雲有後期
阿婆忍說少年時
直廬隙晷量瓢迅
負郭生涯學圃遲
已掃燕巢成獨往
賸從鳳紙寄相思
愁人萬點風飄盡
爛醉何須物理推

只道搬遮有散場
孰知苦海更茫茫
前溪舞女悲黃葛
夜殿詞人籲綠章
藕孔那尋逃劫地
榆錢癡想療貧方
晚晴幽草終無俚
大好江山易夕陽

豔陽轉眼變蕭辰
花史傷心訖獲麟
濺淚忍談天寶事
尋源仍誤武陵人
脂流盡汗劉輿賦
錦障難遮庾亮塵
大地總無乾淨土
不應墜溷羨飄茵

匏廬詩存卷五

一般雨露舊承恩
轉燭人情莫更論
夜壑負舟眞有力
春風試翦了無痕
雲中虛想飛香訴
海畔猶聞逐臭繁
滿眼紅愁兼綠怨
巫咸肯下問銜冤

舊苑荒臺舉目悲
迷陽郤曲欲安之
芳塵一霎忙游騎
殘月無情叫子規
杜牧鬢絲傷去日
韓翃名字噪當時
劫餘記取陳根在
還仗東君好護持

暇豫優歌託烏烏
可能集苑勝於枯
偷桃故智兒殊狡
嫁杏年光人盡夫
阜茨黃塵費料理
白衣蒼狗不須臾
癡心卻笑禰禠鶴
猶伴寒梅守舊株

居士今成槁木形
已將心事付鴻冥
舊題但月空銘座

新寵涵春且玩瓶，荏苒年華看逝水。循環天道數周星，
鐵函珍重陽秋筆。自剔殘燈課殺青。

戴盆奈此視夢夢，參透禪機色卽空。九老新圖蓮結社，
八公舊隱桂留叢。已應上苑無全樹，一任荒郊逐轉蓬。
和露倚雲勞想像，門前溝水各西東。
蜂喧螳聚亦何求，算到收場盍少休。金谷盛時誇石友，
木棉末路泣循州。文章九錫多慙筆，日月雙丸赴急流。
共道四時有消息，端居誰省杞天憂。
鉛華刊落悟知希，丹素何須論是非。肉眼風塵無正色，
草頭富貴有危機。且從剝後觀來復，肯向泥中怨久微。
青士蒼官爭晚節，前途霜霰正霏霏。

龜廬詩存卷五

三五

掃除曾許隸仙壇，愁雨愁風有萬端。劫外人天皆草腐，
夢中國土自槐安。傾陽不信葵難奪，綺夜焉能李獨完。
傳語麻姑肯相顧，桑田留眼更須看。

閻公扇頭見毅夫手錄庚申紀事詩其一，面爲胡
瘦唐侍御所書。

玉音問答記邦衡別去，觚稜夢尙縈。袞袞衣冠朝士盡，
區區芹曝野人誠。山中可得安雲卧，天末相思幾月明。
更想百花洲畔客，一臺二妙舊齊名。

鉢社以神武門殘荷命題，限於篇韻未能盡意，枕
上不寐，偶憶連年畿輔戰事，復成此章。

神武門前萬柄荷花，時幾度斷經過。殘紅猶奪明霞色，

淨綠遙分太液波
鶴唳兵聲連草木
烏朝詩句怕吟哦
衰遲未忍衣冠挂
輸與漁兒獨速蓑

魏廬詩存卷五

三六

遠戍未忍衣冠挂輸與漁兒獨速蓑

匏廬詩存卷六

徂年集中

侯官郭曾忻

讀困學紀聞

夏桀放南巢史不詳究竟周書載佚篇乃有旅巢命巢居江淮間其地非幽篁義不戴殷商始終奉夏正湯孫逮中葉六七作賢聖度外能置之亦見商德盛從來忠義士人定天可勝古籍闕有間何用求左證不見鄭延平終身稱賜姓

秦士夙已賤儒坑偶逃荆董公四皓輩其實無足稱心爲牧羊子帝號何所承沛公起亭長於楚固無情縞素勸發喪但可欺愚氓商山采芝叟一出亦已輕爲劉與

匏廬詩存卷六

一

爲呂心迹未分明士生當亂世惟默可全貞青門自種瓜蕭相事干卿面諛規叔孫吾取魯兩生
新莽覬代漢舉朝咸結舌劉崇與翟義抗者旋殄滅郅憚獨何人乃敢虎鬚捋取天還以天陳義殊唐突所言據經識莽亦不能殺祖伊擬非倫當在叩馬列後來張邦昌果納馬仲說手頌隆祐制南渡基始立迷復猶不遠厥功未可沒僞楚與僞齊讀史勿概括
魏碑紀受禪歐史傳六臣纍纍列名氏千載不能湔徒言知天命先未識人倫樂亡而幸災彼豈無心肝厚齋當宋季龜鑑得文山抱節終貞晦著述垂不刊顧黃承其緒薪盡火更傳文明啟休運皎如日中天焉知今日

事禍有烈秦燔三網遂可廢掩卷吾何言

跋園見示所撫王廉州煙樹晴巒橫卷屬題

老生有常談無欲觀其妙覃谿借評畫下士皆大笑豈知至人心如鏡常皎皎燕處謝榮觀超然塵瑩表四王擅名家古逸惟元照晴窗偶展卷借題抒腹藁疏林帶茅屋風帆逐飛鳥一重一掩間煙雲互縈繞直與造化游匪矜神貌肖曠林日干戈庸流空自擾扁舟者誰子危坐方持釣

題庭中夾竹桃花

亦名柳葉桃

柳葉桃開也自紅稱名底必渭川蒙三春昔夢隨流水九夏閒緣伴寓公莫笑亂頭更麤服曾禁伏雨與闌風

匏廬詩存卷六

二

小園花事無休歇更看霜英長故叢

九日團城作

也了登高事憑欄一放歌團城從俗喚古栝閱人多奎藻深垂誠衢尊想飲和蓮臺留幻相我佛意云何簪毫吟曉直龍壁舊留詩故事今無考吾生晚自悲宸居成傳舍僧父雜妖姬爲憶西園讌誰曾東閣窺

鈔彭秋士詩與舊鈔野人集合裝成卷書後

野人精飲莽秋士喜飲煙赤貧皆至骨獨此未能捐一當鼎革際一值太平年生世迥不同乃同一迤邐昔聞野人名遺書購乏緣一紙昨借得愛玩忘食眠晨書兼暝寫密點復濃圈遍覽並時作幾無可差肩篋中秋士

集舊得自吳船雖然邊幅窄愛其天真全合鈔成一冊
尚覺臭味聯平生不解詩安敢論前賢顧於煙與薜亦
有癖嗜偏兩君復愛菊詠菊詩連篇東籬正敷英把卷
坐其前金薰吹管馥花乳浮甌圓菊影畫四壁秋聲詩
一天二語秋
土原句臨風時諷誦百慮爲之湔可爲知者道難
與俗人宣

平齋新刊擊鉢吟韻集見寄謂仿鄂集之例並錄
題後詩索和

二別江流匯澤東滔滔世變感何窮廣陵此散今垂絕
大雅扶輪仗數公

故國槐柯付十空敢將傳硯侈家風披函重觸鴿原痛
三

夜雨傷神念老同

菀廬詩存卷六

三

郵箋往復數鱗鴻樽酒論文恨不同私印鐫成聊自慶
月泉猶忝考官充吾鄉某公嘗得月泉吟社
考官小印斷爲謝皋羽物

燕寢凝香畫戟雄哦松誰說事非公茯苓消息眞堪待
地下難呼葉紹翁

中興無復望咸同賸有花洲廟貌崇頗憶船司空故事

居然橫槊建安風沈文肅奉命渡臺先一夕集船政幕
僚酣吟達旦材官鵠立以俟聯唱畢
更戎裝升礮登舟而
去一時傳爲盛事

壽畏廬丈七十

閩士爲名拙前修數鉅儒翠庭深理窟左海富經鄂誰
造歸方室相從穆柳徒當今林古度著論過潛夫

九度崇陵謁先朝老孝廉昔嘗聞顧怪君自契梁髯不
恤羣兒笑何曾寸祿霑貞松有本性要在歲寒覘
廿載懷前事春明握手初西泠談勝集先子適閒居投
袂三衢急銘幽特筆書鮮民慙負荷話舊輒欷歔
特科羅俊又世已遠康熙豈足汙元子空能說項斯枉
詩猶齒及衛道許心知閱盡荃茅化滄江一老遺
畫筮邀宸賞春條寶御書緬懷高士傳自署野人廬幾
輩穿門限他年重石渠通衢紛列戟數過已成墟
言訪龍湫勝新年尙出游戶庭輕萬里述作已千秋問
字酒肴客浮家虹月舟揲爻占蠱上自足傲王侯
集韓撰楹語迴溯杖鄉年忽地驚傳警無因致祝延兵

匏廬詩存卷六

四

塵猶瀆洞吾道合迤邐湖海元龍氣相看未改前
耆年諸社侶次第古稀臻齒序歡無間鄉情久益親劫
餘桑海錄世外葛天民引滿休辭醉籬花正及辰
病足初愈偕次薇公園閒步

秋杪寒猶未游人乃爾稀偶來散腰腳彌復感芳菲祀
廢壇墮在池荒雁鴛饑靜推衰盛理吾敢詡知幾

章曼仙招集寓齋賞菊

天上巢痕掃不留城南卜宅自清幽猶能豪飲歡今夕
未遣黃花笑白頭風月無如談藝樂江山安得洗兵休
壁間盾墨淋漓氣想見中興第一流

齋中懸曾文正彭剛直楹帖皆軍中

客有詢近作者書此示之

唐宋藩籬略未窺狂歌自寫此心悲吾生不幸多言中
天意終無厭亂期臨水登山行已老吟風弄月復偕誰
思量何物供詩料還學毗耶杜口宜

輓巖幾道

中歲相知晚始親臨分苦語絕悲辛豈期小別成終古
直爲寰瀛惜此人世變儻非君所料遺書借問世誰珍
羣言淆亂今爲極潦盡潭清始見真
明時相望濟艱難海內聞人若箇完故紙堆中成坐老
枯枰側畔慣閒看江頭廟貌重新否門下哀辭卒讀酸
君嘗鳩費重修陽崎陳忠肅祠後門人侯疑始有行述語極悽惋
鴻影外橋初丹

魏廬詩存卷六

五

夜起

羣動此時寂中宵顧影清窗虛風四射院靜月孤明青
史黃農沒殘棋楚漢爭預愁明日事莫放曉雞鳴

病痔遣懷

萬端過去復何思一得元無亦自知正借微疴便懶散
羞從流俗較狂癡宵吟靜索寒蛩和朝晷閒看野馬馳
容易光陰消病榻秋風又負菊花期

吳兔牀明經小桐溪山館圖爲小汀學士題

有清中葉藏書家吳有黃翁欽鮑氏並時復得海昌吳
能與二家爲鼎峙兔牀先生承平覃思汲古無他營

陶舫收羅付蘇閣芸香三世清風承誅茆占斷桐溪曲
縮取雲煙歸尺幅陽元宅相生長斯故事外家猶耳熟
桐溪水接畫溪流門外常停訪戴舟弓父竹汀商考訂
簡莊松靄互賡酬當時已歎紅羊劫什一留遺委塵篋
名園非復曠亭題殘燼空攜昔綠帖此圖何年別顧厨
豫章之劍合浦珠山邱華屋風流盡寸草春暉涕淚俱
洞庭連天波浪遠容臺接席曾未煖銅駝陌上重相逢
世外桃源若在眼乾嘉題後到而今百宋千元總陸沈
不須侈說瑯環秘只此溪山何處尋

晚晴移同人爲弢園生日補祝次樊山韻

茶隱清風師節性蘭言小集借謨觴偶陪鷗侶分茵席

匏廬詩存卷六

六

自笑狙公畏服裳閱世誰如霜檜老逢辰况有晚花香
舉杯且爲三農祝得酒明年不乞漿
風味寒窗記斷齋後先憂樂故難齊元和鬪樣矜新腳
婆律薰香惜老臍一笑雲翻還雨覆未妨月抹與風批
曲江追話承平事難得羣仙尙聚奎

樊山見示冬窗卽事詩並疊韻諸作次和

甫天憂潦北憂晴儉歲甯論范甌清乍可逍遙吟白醉
誰能辛苦覓黃精同舟在昔多仙侶幽谷相求只友聲
獨寄愁心望雲漢東山何計拯蒼生

農圃相從課雨晴依然心迹白鷗清書叢跌宕聊忘老
詩律研磨不厭精手版新亭紛背汗兵威肥水盡風聲

酬公只有柴桑句嘯傲東軒得此生

月夜過東華門

絳幘雞籌夢已賒猶驅羸馬過東華天章虛佇條時政
丙午會議官制朗潤圍撤後移就項城私邸又兩月始畢博浪微聞中副車辛亥十月事

不見長虹橫輦道空餘冷月照隄沙道旁草舍青帘影

略記壺天舊酒家街南舊有黃酒館老屋數間僅可容膝潘文勤在南齋下直常過飲間或

留宿榜以壺天李文正再直樞廷亦嘗質此為憇息之所常以白事至其處囂塵湫隘極不可堪而諸老處之怡然可想見其風度也

平齋熙民久宦不樂皆有退志詩以訊之

何肉周妻兩不妨高牙大纛屹相望狎鷗且讀澄公傳

逐鹿休談廣武場畫棟飛雲江渺渺穹廬低草野茫茫

朝廬詩存卷六

秋風已過蒨鱸候儻爲梅花憶草堂

七

德宗景皇帝實錄尊藏皇史宬禮成恭紀

衣冠拜表上形墀

九廟神靈鑒在茲伏案頭童纔歲役攀弓淚盡總銜悲

金鑾故事空留記玉几羣公孰受遺蟻蝨微臣慙報稱

贖從家乘紀恩私

御河路轉小南城典守猶餘老禁兵兩翼分排金鑰燦

九霄上燭玉虹明檢書供奉長歌壯受印親藩異數榮

欲證舊聞遺老盡文謨武烈想承平皇史宬舊藏永樂大典及經史諸書

康熙朝高棧容待詔直內廷嘗奉敕入藏檢書賦檢書行述規制甚悉今歲中只藏列聖實錄其永樂大典據乾嘉諸老考證與翰林院所藏者別是一部不知後移何處又奉命大將軍印乃太宗授睿親王以入關

者亦藏於此咸豐己未以授惠親王督師畿輔王
嘗繪受印圖遍徵朝士題詠今印亦不知所在

壽移疏方伯六十

我年弱冠舉秋賦計偕實始交長公澄江官舍拜父執
君時舞勺初成童應官先後來闕下相依奚啻歷與蚤
伯霜仲雪並華省獨君贈蹬名場中玉堂通籍亦未晚
中州持節旋西江大才盤錯無不可鵬圖暫息仍搏風
四十年光如一夢兒女婚嫁俱成翁中間人事更乖迕
罡風吹折荆樹叢君痛哲兄吾哭弟信州城下愁雲重
汴泗交流古都會黃樓坐嘯聽落洪祠官久不與朝議
側身長望南飛鴻

兩宮晏駕國無主

匏廬詩存卷六

八

嗣皇繼統齡方冲狐鳴篝火一朝起在廷諸公若發蒙
長江天塹落誰手金陵渠帥君華宗彭城京口兩重鎮
傳檄謂可望風降任盍幾蹈常山禍君猶力抗平原忠
天不祚唐大事去空拳赤手難爲功滄桑變幻忽十稔
孰知天醉長夢夢平生所願專一壑草堂舊構匡廬峰
橫流遍地無安處南檣北轍徒倥偬緬昔

毅皇初登極講幄妙選儒臣充道南一脈承遺緒梁村
以後惟文恭汲直不容坐斥外攀號竟殉軒湖弓易名
得請歸告墓天章親勒穹碑崇人生大倫祇君父往事
已矣空准胸我今衰疾百事廢長年堙戶如寒蟲引觴
何以爲君祝逍遙善保金玉躬兩間患氣非一日滔滔

世變會有窮功名邂逅付兒輩眼中驥子皆荀龍華燈
四照春宵永且須痛飲傾千鍾

澗兒書室懸有趙雪江人物畫幅款署崇禎乙酉

偶誌一詩

甲申明祚盡順治已開基北闕迎降恥南都擁立疑雲
煙元幻境筆削有微辭素壁終朝對心知畫史悲

蟄園雪中鉢集次韻酬樊山

長安斗米珠論價天上玉龍呼不下一冬奇暖過陽春
虛費梅圖九九畫行酒誰談中令家銜枚或盼蔡州夜
窮儒掩耳厭世事辦作詩囚不望赦大槐癡夢國已焚
苦筍硬差官人罷頻年人海混魚龍只似天隨觀蠹化

匏廬詩存卷六

九

社集偶援月泉例園居安得水繪亞羣賢聯袂各如期
一老主盟夙定霸笑談陋室皆鴻儒傳唱旗亭亦佳話
向來年事占三白開歲圍鑪賞猶乍樓臺平地化瓊瑤
勝神若爲光輝借六出紛飛眞玉戲八叉急就盡吾炙
遙知槁壤慶來蘇卻憶齋壇時祀謝老松擎重惜退閒
桃杏深藏方待嫁酣吟不覺冰生髭歸路爭看銀壓勝
詰朝登閣眺西山乘興還思白鳳跨

次韻和樊山都門春興

尺五城南最近光莊開紅豆巷青棠掖垣分列東西省
鬧市勻排左右坊轉海倉儲臚接舫款關貢使馬如羊
鰕生猶及中興日近溯元和與會昌

承平時節等閒過，閭闔天開卽大羅。湛露九霄多異數，
卿雲八伯共賡歌。含元花柳爭迎仗，太液樓臺舊影娥。
宴鎬游汾饒勝事，儒冠何用歎蹉跎。

風月南宮藻思催，漢廷側席待鄒枚。姓名千佛經爭拜，
咫尺三山權卻迴。中禁簪毫宵漏永，西巡扈蹕雨鈴哀。
祠官頭白甘檮散，拭目羣公匡濟才。

荏苒虞淵日易西，鯤鵬斥鷃分難齊。顛狂恣看風中絮，
衰醜相憐凍後梨。當代文章幾星鳳，暮年事業只鹽齏。
幔亭此際花如繡，夢繞家山九曲溪。

上已三貝子園修禊分韻得隄字

癸丑羣賢吾未與，九年一瞬極悽迷。心期可飲惟文字，
耳熟生憎是鼓鼙。小放桃腮猶隔樹，新蘇草甲已緣隄。
閉門十日春寒緊，初就郊原試杖藜。

續落花八首

一片紅情化綠蕪，玉池遙憶舊根株。炊粱易醒游仙夢，
鬪草安尋捨佛鬚。憔悴相憐金馬客，飛揚今屬黑雲都。
月中留得山河在，桂粟飄殘影亦孤。

早開眼見有先零，避面還如妒尹邢。番信到頭愁苦棟，
橫流無地著浮萍。鳶蘿施柏爭新附，荃蕙爲茅失故馨。
鴉鵲憤禪誰免俗，羸教阮籍笑劉伶。

狂雨蒙風總谷微，碧翁長是醉曹騰。貴游豔說移春檻，
短晷從無繫日繩。瓊樹俄空餘腐草，金甌拚碎況生菱。

履綦莫覓經行迹大道而今盡葛藤
千紅萬紫委芳菲休說潛溪最後緋
雨帝訛言成讖記水仙別調入琴徽
擲梭隔樹忙鶯羽曬粉空階冷蝶衣
寂寂黃昏消得幾愁吟何計絆餘暉
遲暮春情付冷灰吹臺不信是愁臺
蟠桃漢殿羣仙讌腰鼓涼州百面雷
東海綠桑猶待種西風黃菜劇堪哀
洛陽盛日誰曾見肯數尋常錦被堆

載酒西園話昔游年時風景只牽愁
黃天不管蒼天死丹鳥羣歆白鳥羞
歷亂鴻溝迷楚漢婆娑雞樹閱孫劉
臺隅蔽景非今日絕倒彈文沈隱侯

空山蘅芷自懷芬無那恆河沙劫紛
浮蜚當爲千日醉攘瑜豈問十年薰
玉堂故事談春在文室新居暑我聞
夢裏彩毫亦垂禿不堪書葉寄朝雲

陳編俯仰弔興亡恩怨從頭漫忖量
噩夢春蘭訊秋菊辨鋒北勝鬪南強
已沈滄海珠誰覓曾奉平明帚亦香
莫爲杜鵑悲望帝錦官猶是好收場

杭州超山梅花爲浙西第一奇景游者多未及知
吉士令仁和時嘗於花時偕賓從來賞以港流
淤塞捐俸濬治溉腴田近千頃相隔二十餘年
鄉人追念前績爲置粟主於山中香海樓亦身
後一段佳話也爲賦長句紀之

使君手疏吹澗時豈意魂魄終戀茲孤山已被林家占

咫尺超山人未知超山種梅始何代傳聞尚有宋梅在
五百年前香火因闕道玉潛相把臂香海樓舊祀趙清獻及唐義士吾

生蹤迹半九州夢寐獨憶吳越游溪山處處盡堪隱悔

不早計營菟裘滄桑萬恨向誰語鸞漂鳳泊成窮旅仲

蔚相尋蓬蒿居曼卿今作芙蓉主海山兜率只空言不

及桐鄉遺愛真萬樹梅花鼻功德想君被髮跨麒麟

橫街吳柳堂侍御祠題壁

尸諫蒲城尙有徒罪臣自分殉龍胡猶留祠宇當官道
恐被時流謚至愚統嗣一家何足論傾頽九廟竟誰扶
馬伸橋畔孤墳在想見東風長綠蕪

題固始吳亦甦先生生日家誠冊

匏廬詩存卷六

二

往聞阮文達生朝恆避客茶隱自諷詩屢見孳經集覃
溪初度辰示客彌月冊深述鮮民痛華苗謝文飾兩公
世魁儒年並臻大耋陳義雖各殊清風如一轍今披此
家誠心長語彌質溯從幼學初以逮強艾日里爲冠蓋
遺庭有芝蘭茁何家山大小阮宅巷南北天倫樂方長
寇氛俄見偪四十九年非撫景傷今昔儒官容就養脩
澹亦子職偶觸刀机悲恍見心頭佛吉人有天相竟蠲
无妄疾中興見太平杖鄉行杖國科名迭踵武孫曾已
繞膝泚筆述生平前塵俱歷歷屬當懸弧旦預戒長筵
設子輿論遠庖東坡勸止殺藹然仁人言遐哉君子澤
世俗踵事華稱壽亦其一未知誰濫觴末流益縱佚祝

延特其名獻賄乃其實降辰皆甫申考行或蹻跖大官
日恣睢下走爭股削纍纍冰山錄孰非民膏血生靈尙
煩寃物類更奚恤先生邁斯辰當更滋慘戚晏楹無恙
在作求徵世德安得廣傳鈔家喻而戶說

寓中無隙地栽花獨西院海棠兩株爲百餘年舊

物每歲盛開欲作詩張之累易藁皆不稱意姑

誌一律以俟異日

一株春一國誰敢議無香華閬承西府佳人冠北方朝
霞疑失彩晚照更添妝安得生花筆收之古錦囊

題杜茶村先生遺像

熟睡深山計未成寓公老客石頭城可憐心事希夷異

猶及康熙見太平

瓊廬詩存卷六

十三

張風寫像悔翁題腹痛梁髯墓草萋橫目而今心死盡

君親大義再休提

篋中舊藏黃岡沈氏變雅堂集重刊本爲節庵所贈有張風繪像與此相

彷彿茶村悲哉行云世之亂不在於刀兵水火而在斯人之哀樂喜怒皆失其正而倒用其情其得之則喜失之則悲者惟勢與利而漠然於吾君親語極沈痛熟睡深山亦茶村跋鄭肯巖小傳語

海棠開時約畏廬季友移疏來賞移疏適攜周君

景瞻所藏茶村畫像索題檢變雅堂集有康熙

乙丑二月二十二日與李惕齋鄧秋水會飲熊

青岳寓園海棠花下故事是日乃不期而與之

同蓋相距二百三十七年矣旣題畫幅復成此

章呈諸公

四周甲子欠三春把酒看花復此辰偶爲芳叢徵掌故
卻從畫軸想先民朋簪邂逅緣非偶帝里風光迹已陳
門外戰雲都莫管且拚一醉藉苔茵

題第四女葆蕙遺畫

生小深閨薄綺羅長年几席苦研摩清才賦與天何意
玉隕蘭摧一剎那

老翁百念俱灰槁不作人間無益悲結習但思文字託
偶傳遺語念渠癡

園中卽目

桃李都無旬日妍循廊惟見草芊芊鼠姑枉擅花王號
不及高楸媚遠天

範廬詩存卷六

十四

洪幼寬久客京邸以書畫自給近復取康節河洛
數效橋亭故事有詩索和

鄭虔三絕詩書畫骯髒風塵奈若何未肯因人終碌碌
不妨賣藝益多多畫長自得垂簾暇興至猶能擊壤歌
我亦杜陵一野客得錢沽酒會來過

題朱謙甫秋樹倚聲圖

擊楫雄心老據梧郎潛身世一潛夫閒情欲傲迦陵叟
更寫填詞第二圖

搖落何關秋士悲蘇辛姜史益多師長槍闌劍多名號
醉拍紅牙總不知

題郭漱霞所藏孫仲容徵君贈別詩橫卷

詩作於甲辰年

湖考察鑛冶

廿年忽忽河梁語楚尾吳頭一席風殷鑒豈當懲萬厯

周官坐惜誤元豐興儒歧想他山益徵君嘗集同志為興儒會話墨

湛思斷港通誰起德人泉下夢黃金虛牝總成空

次韻題梁稚雲大令申江話別詩卷

志士甯知舉世非白雲舒卷自天機高空已作冥鴻逝

絮語猶憐雛燕依昔日酒壚誰健在卽今海水尙羣飛

十年聚散兼存沒獨羨柴桑早賦歸

符笑拈司馬八羈滬上比聞屈身為某僑商書記

偶於報紙上得讀近作感念舊游悵然成詠

腳根山水窟夢寐在台溫亂世文章賤清時簿尉尊居

匏廬詩存卷六

十五

夷誰謂陋哀郢不堪論寥落西江派憐君尙健存君為雪樵

大令子以佐貳累參戎幕當時浙中揚古醜秦散之梅鷺臣皆以詩人沈淪下吏余少時猶及接吟席湖山嘯

傲自足風抗視今之爛羊侯尉殆不可同年而語也

雨夜不寐雜取案頭書讀之

萬感何來迷似潮披衣強起亦無聊古人傳者皆糟粕

獨夜悽然此晦瀟永憶對牀隔黃壤猶疑聽漏近丹霄

耳根徹夕琅琅響知碎庭隅幾葉蕉

題合肥張勇烈公遺像

金田盜起東南闕承平禁旅悉無用湘軍奮為天下雄

三河覆沒實奇痛

顯皇手詔褒忠靈申甫祈天願再生淮淝一旅乘流下

海內始震二張名靖達晚爲國柱石犄角行間公有力
髮逆雖殲捻未平崎嶇轉戰南復北前軍遽爾大星墜
擒賊擒王志不遂江山雖改丹心懸披圖懍懍猶生氣
卷中題詠皆偉人袍澤指臂同一身想見忠義相感激
力扶九鼎迴鴻鈞人生所重邱山死中興事業今已矣
凌煙閣畫委灰塵賸有六臣汗歐史

室人周甲生朝承諸君子以詩文見貺率成四章

奉謝

容易秋風感塵勞閱鬢霜北征他日淚西笑少年狂春
廡高蹤邈冰廳滋味長明星今夕影弋雁憶翱翔

石泉家集在束髮誦先芬變雅深傷亂中興及策勛先

匏廬詩存卷六

十六

祖遺著有變雅斷章衍義

承明生苦晚潛確老無聞敢辱泥塗問方

從麋鹿羣

樊山鳳孫晉卿並有詩

羣公並雅材不圖明月盡猶

三老嘗師事見夜珠來結習知難儼斯文儻未灰眼中清淺水勿復
話蓬萊

弱肉憂刀机餘生念縞綦客書規止殺

周君秉清書來勸以蔬食款客

謹遵其教吾炙只論詩風雨同聲集江山急劫棋挽河思壯
士何日洗瘡痍

書養知書屋集後

賈生不用荆舒用漢日猶中宋忽南三代之英終未逮
九州以外枉夸談賀唐遺著成芻狗曾左元勛失靳驂

今日橫流遍寰宇孰從海上敬仙龕

華壁臣閣丞見贈尊甫屏周先生自繪白描小影

敬題

治生不求富讀書不求官先生抱全德伏處甘泥蟠庸
行初無奇倫常用間五十以學易覽鏡猶壯顏一朝
事變起奮身當險艱信行蠻貊化亂定閩里完承家有
令子不獨遺以安揚雄悔投閣逢萌早挂冠凜然義方
訓大哉名教閑哲人不可作誰歟挽狂瀾展像當座銘
聊以訂吾頑

戊午仲夏禮部同人聶獻廷寶琛多介臣福耆介

眉壽張瀚谿則川蘇本如源泉楊文甫其煥嵩

輓廬詩存卷六

公博勉呂矧伯吉甫汪珏齋兆鸞曹纒蘅經沅

招同城南雅集以螺江太傅嘗總裁禮學館亦

邀與會公博繪春話舊圖王橋庵謝家為序

橋庵山左門下士亦禮部舊僚也卷端五字則

太傅所題纒蘅攜以見示距曩集已四年矣為

題二律歸之

阮亭故事退庵錄一散誰知絕廣陵舉餞留書足嘉話

長春連理並休徵漁洋春曹儀注同僚升任出衙門者

舉餞鹽又署中有連理槐長春草各部為別掌印欵分四錢

是雲堂且過僧猶有子安能作序老夫衣鉢愧和凝

忠門文采屬名駒浣筆先成曲水圖恍聽昨游談武子

已驚長逝失元瑜謂獻廷 巋然魯殿標吟卷貯向曹倉拓
畫厨求野他年容有取未應章甫薄迂儒

次韻酬黃搏九

袖手枯棋欲懶看相知恨晚聲交歡急烽鄉國新傳警
病葉園林早戒寒失喜發函雲錦爛沈思何地露車安
開天遺事休重說賸有尊前熱淚彈

聞福州亂

閩居山海隩中原遠懸隔自從耿藩後久不見兵革粵
寇逼劍津省垣猶屹立馬江嘗挫師虜仍怯深入東鄰
再搆鬻珠厓始議割犀軍精銳盡鯤身外府失唇亡齒
遂寒人滿土實瘠水患復頻仍承平尙艱食何堪十年

匏廬詩存卷六

六

中再覩紅羊劫巍巍恪靖祠中興想盛烈
辛亥禪詔下事乃出倉卒馳書告鄉人綢繆宜早計龍
蛇方起陸天意猶茫昧漸臺終無成且徐觀其弊開門
奉正朔耶那有成例忠謀不見省疑爲北游說反覆終
何名坐召客軍至樂安下中材但可執鞭弭謬假節鉞
權黔驢實無技股削供軍儲爪牙據要地節度盡囊樣
效尤豈爲罪拔釘且勿喜戰禍恐未艾
養兵以衛民兵反爲民殃潰軍烏獸散剽掠固其常剽
掠亦何得貪吏早遠颺輕齎挾金寶飛渡便舟航獨念
吾親故什九無宿糧縱免鋒鏑及終爲溝壑尪餘生成
入客邱首豈嘗忘年年中秋節望月恆思鄉今年月更

好樂飲飽盡觴焉知榕陰下舒慘殊景光殘兵尙轉鬪
消息苦未詳補牢念先務救死與扶傷

禍發有遲速驕淫必惡終風俗與理亂息息恆相通
者畏廬叟言之有餘恫嗟彼夸毗子豈聞先正風信美
西湖水杭穎論雌雄宛在奉詩龕荷亭拜二忠詎經仿
西泠朔始寶應公何期桑海變翻爲腥穢叢儉奴侈玉
食游女矜冶容汲汲相顧景談笑漏舟中徒觀金碧炫
孰恤膏血窮崑岡炎烈火哀哉玉石同昔時歡讌地轉
眼成蒿蓬痛定試迴思安得咎蒼穹

閩人自治閩及今言己晚要爲自衛計決機似難緩黃
雀方捕螳伺者更挾彈聲討各有辭未知誰逆順羣公
念桑梓感激出義憤當馳域外觀勿囿甕中算鄉兵雖
無幾手足自相捍龍驤子弟軍猶足爲聲援規恢在人
爲得寸吾之寸勿云恃民氣民氣終易渙暴徒爭債與
治絲乃益亂太阿况授人客主形儼判未論勝負機已
憂供臆困峽水阻三巴蠻烽連五管縱觀過去事借鑒
殊非遠目斷南飛鴻臨風默長歎

陳鼎丞見示五十初度書感詩書此勛之兼示海

六

蘇門數巨擘文潛與無己吾非玉局翁晚交獲二士張
生篤內行如玉瑩表裏陳生尤狷介束躬勤礪砥旁通
九流學不獨足文史明月遭接劍干將用補履卑栖就

斗升傷哉爲貧仕變雅念我辰騷人溯覽揆詠懷步兵
淚樂志仲長旨作詩抒胸臆自序非怨誹吾衰與世棄
屏居等畏壘高歌青眼情東風吹馬耳世患無津涯河
清諒難俟幸食舊德遺各勉前修企壁間同心蘭莫逆
笑相視今秋承寫蘭見贈男兒有千秋無爲歎蓬累

樾千太保出示先德夢蓮先生夢迹圖敬題

人生若大夢事過皆陳迹夢時不自知覺後恍如失夢
華東京編夢梁南渡輯船山與退谷說夢尤纖悉彼皆
丁世變俯仰傷今昔先生際盛明何者關夢憶溯從東
髮初趾離早獻吉便笥發天葩冠字因表德仕履雖屢
遷根塵元不隔寺鐘催讀辰庭雨論文夕東謁瞻橋陵
西征歷沙磧侍節習戎裝出牧當畿赤康功舉墜典嘉
瑞彰循績因圖以留夢夢幻迹皆實旌節已傳家丹青
未改色梁園詞客多風雅爭揚挖崦嵫忽匿景四紀風
花警佐夏遺臣靡匡周仗保奭競爽信多賢貽謀實作
則賓筵忝嘉招拜觀祇歎噴樓臺花樹叢山水煙霞窟
疑與化人游可望不可卽

郊城孫氏兩世鄉賢事蹟冊爲花樓大令題

廿年光景若輪奔秋柳明湖贖夢痕近聖人居長嚮往
知君子澤有淵源論交忝綴科名草薰德咸推孝友門
遠辱徵詩到衰朽承家猶喜季方存

唐文簡尚書吳石蓮侍郎故居皆在校場衚衕津

沾避地迄未過從暇日偶經其處不勝山邱之感
感車中口占得二章

郎曹忝從事忘分復忘年窮巷常迴轍輶軒屢枉箋黨
碑名竟脫史注本誰傳通介時人詫徐公要自賢

橋公知孟德叔夜絕山濤具眼微時獨全身晚節高古
心留篆刻餘響接風騷覲面西山爽平居憶馬曹

雪中赴移疏觀奕之約

謝墅來游好賒神作劇何舞空憐皓鶴滑路忽疲驟急
劫紛紛是新正草草過入門且呼酒酩酊不知他

新歲鉢集樊山前輩復有長篇見既久未答和偶
見羣賢燈夕諸作輒借用其韻爲律句奉酬江

花才盡殊自慙也

郭盧詩存卷六

主

魁柄誰能握太阿游光但見逐飛蛾南強北勝渾兒戲
西抹東塗自阿婆豈止新昌壓元白從知正始誤王何
六更不信蝦蟆盡試聽洪音振巨鼉

平齋儼居滬上有詩見懷次韻答之

簿書叢裏急抽身東路飄然羨角巾竿木逢場元是戲
海桑何處不生塵袖歸廬阜新行卷憶到燕臺舊酒人
誰識年來嵇嬾甚高春睡足尙頻申

十丈紅塵兩板扉灌園久已息吾機習知學子談天演
不覺行年並古稀大雪昨來聞鶴語雜花此際想鶯飛
相思只有加餐勸今是都休問昨非

鳳孫爲賚臣都護撰碑時流有規其失辭者輒抒
所見奉質

國手當觀終局棋罪魁功首尙然疑但私所事士誠隘
苟濟斯民吾敢訾公是苦爭瞠眼傳歸潛難洗鄭王碑
麤沙大石尋常辦死豹何勞更畫皮

師鄭寄示寒夜聞聲雜詠十三首書後奉正

鄭齋老居士行年垂耳順家在江鄉可枕流胡爲旅食
長安困長安九衢塵土紛問君何見復何聞披函驚觀
寒夜什令我一讀一酸辛朔風卷地霜團屋此聲未斷
彼聲續誰道吳兒木石腸無端百感紛來觸一歌哀窮
黎再歌痛兵禍長歌間短歌詼笑雜涕唾撥盡哀箏絃

匏廬詩存卷六

三

十三若與羣籟相應和君歌良已悲聽我畢其辭國初
定鼎承明運愛民勤政家法貽九重宵旰切求治小廉
大法孰敢曠職司文謨武烈具方策風同道一遵王之
路無偏陂北辰所居衆星拱但見康衢擊壤含哺鼓腹
樂熙熙吾儕生晚全盛日詩書猶食舊德遺同光以還
國多故大經大法未陵遲周家玉步一朝改兵爭不決
今十載首善翻爲眾惡歸无首羣龍吁可駭欲決千秋
名教防遂令毒滯徧四海漫漫長夜如何其想見篝燈
呵筆時少陵無人梅村往且留詩史鑒來茲

師鄭次韻見和前作疊前韻奉答

亂世全生姑委順幽谷株林筮得困眼中棋劫尙紛紛

端居安得屏見聞從來目論那有定是丹非素甘忌辛
曳裾抵掌徧華屋狗尾無難將貂續未須廣武論英雄
一闋之場等蠻觸封殖不鑿郿塢禍縱橫爭拾鬼谷唾
漫叟春陵杜石壕獨絃哀歌索誰和路歧可泣絲可悲
定哀載筆多微辭孤臣自抱本穴痛感君珍重瓊玖貽
十年清切鄰曹司叔度汪汪千頃陂禮堂定本待商推
詩中日月猶義熙皇天有意哀子遺讀經救國今豈遲
澗松偃卧色不改老桑烹龜悔多載是中消息故難言
莊論徒滋流俗駭八王自壞好家居安知挾彈劉元海
彼人是哉子何其時乎會當有變時深甯東發跂公等
宣聖有語文在茲

匏廬詩存卷六

次葆之擊鉢二十四韻

三

竹林從嵇康蘭臺聚任昉樓前紙成堆堂上筒答響相
尋文字飲聊勝屋梁仰近市苦囂塵小齋自幽敞拏爪
槐依檐同心蘭出盎龍爪槐同心
蘭皆嘗命題玲瓏對硯山突兀開
書幌斯會本眞率當歌各慨慷班馬佐薰香杜韓倩搔
癢龍標一曲絕容齋萬首廣愛好詎病王能速終推蔣
隨園謂心餘詩能速
不能遲亦才人一病
三馬慶貴多十禽獲匪強小技疑
雕蟲全力儼搏象務掃陳陳言間入非非想昭回星聚
奎邈近天造榜金谷罰近苛月泉例竊仿祕思互抽乙
變體時兼兩戰場過眼迷水鏡披胸朗龍頭屬老成牛
耳迭雄長飄零國秀遺寂寞谷音賞都堂夢已賒汐社

期無爽避世乏仇池求仙渺方丈南海方僭佗晉陽正
憂鞅揮戈悵日車舉扇莽塵埃竿木戲逢場知有旁撫
掌

六橋都護板廠衙新居相傳爲文文忠故宅春

日杏花盛開招客讌賞樊山前輩卽席有詩援

筆繼和

病夫疏懶習成性尋常避俗如避筭閉門睡過九十春
年年辜負花時盛勝集難得賢主人特爲羊求開三徑
沙隄傳是故相家玉立先覩仙人杏是日暄暖無纖雲
粉抹初勻絳蠟凝眾香繞砌正紛敷一樹凌霄自孤負
相將移席就花陰互舉舊聞共印證憶昔

匏廬詩存卷六

十四

毅皇卜金甌半壁東南初龕定宣勞中外兩文忠藩陽
名與花縣竝騎箕一去國是紛元祐規模變紹聖旋馬
已非太祝廳甘棠自起後人敬都護盛年擁節旄籌邊
胸有朔方乘懷賢青史終悠悠戀闕丹忱猶耿耿五年
同聽長樂鐘竝轡花驄記拜命賀厦相隨鶯燕來挽鬚
喜動兒童迎劇談未倦酒力醒不覺金鴉已翻暝天琴
詩老首唱成一曲陽春壓眾郢風氏園松呂氏藤劫餘
埋沒幾榛梗正直自是神明扶且當酌酒爲花慶綠梅
絳杏盡佳題待補舊圖編新詠樊山作紅梅七律數十
首六橋嘗仿其體爲綠
梅詩時有紅梅布
政綠梅都護之稱

前詩成後晤毀庵太傅謂文忠故宅在兵部窪身

後改爲家祠外此更無別業當係傳者之誤太
傳爲文忠門下士較知其詳六橋亦謂詢之鄰
右乃某文相國子姓嘗居之非文忠也復作是

詩正之

思人愛樹得無情晚學吾猶及老成且可留詩付箋正
益徵尙德出真誠傳衣門下能增重驚坐湯頭失問名
晁具茨魯山溫泉詩征夫問
路說湯頭可憐亦是陳驚坐丞相祠堂都護宅好添故
寶錄春明

題六橋尊甫荃溪先生牡丹長幅

十錦湖山對畫叉自將忠愛寫天葩展圖我亦先芬憶

有美堂前日未斜

畫署庚寅年正
先君子守杭日

匏廬詩存卷六

五

中臺愁誦鷓鴣詩竝轡春風已後期且共楹書珍手澤
遮藏儻見太平時

連日風霾悶坐偶成

洪範占休咎恆風是日蒙大聲飄屋恐焚尾掃花空野
曠迷沙礫天昏但霧縈爰居無避處墜戶作寒蟲

穎生新自南來與偕游江亭橘叟聞谿繼至作竟

日談穎生有詩見示走筆和之

一握爲歡尙故吾風塵無地著潛夫不堪重說經過事
賸可相尋寂寞鸚塚久荒迷斷碣鳧潭半涸長新蒲

東山未倦登臨興茶話淹留到日晡

是日復偕訪龍爪槐舊蹟謁抱冰堂遺像

龍樹前塵記歸途更駐騑人亡金鏡在燕去畫梁非不
戢兵猶火交征國豈肥橫流今滿眼誰見履霜幾

同穎生閩谿蔚岑游翠微兼訪玉泉香山諸勝穎
生不日南歸雜錄所見卽以贈別

江亭昨對山西山猶雅故乘興遂鼓儻吾亦忘蹇步一
酌趺突泉屢撫娑羅樹僧窗月明多悔未攜臥具

西山諸精藍多出中瑞建瑞禍遂亡明棟宇自巍煥布
金給孤獨猶勝豺虎叅諺臺累九成蒼蒼復誰問

左徒昔被放畫壁留遺草籠紗殊可人愛惜及鱗爪于
喁相和歌亦各有懷抱貞元朝士盡天幸遺一老祝魔
崖壁

間偶齋詩及松禪滄趣諸和作李釋
戡以烏絲界之跋云取籠紗之意

魏廬詩存卷六

白果石根蟠修篁霜幹勁松寥讀書處一一入幽詠松
寥自有閣江天極清迥誰令金臺淚苦爲歌兒迸亨甫
讀書

在隱寂寺山中惟隱寂平
坡未遭兵火花木皆無恙

曩偕薑齋來虛有買山約薑齋忽已亡榆園亦蕭索沈
沈青豆房婪尾粲紅藥尙想伏案吟魂歸或栖託

三山若跼蹐常時佳氣浮承平拓靈囿非止奉宸游廢
興屬天運豈不在人謀君看演武場矗立猶礪樓

五季鬪干戈希夷在驢背混沌譜不傳一笑偶驚墜雲
堂臥者誰仙佛有同契安得捏嵇康來此齏齏對

南天常苦雨北地偏苦風風沙妨游事遠目愁易窮憑
欄送落日下視紛螻螻忽憶交蘆中煙水敲烏篷乙巳
秋與

穎生同
泛西溪

庚子困危城日飲城南肆鄭五與魏三黃壚幾感逝瀛

海信壯游湖山亦仙吏流萍還合并休問人間世蔚岑新自

海外

平齋昨有書云自西湖還西湖譬西子掩鼻為長歎萬

方今一概何土清淨完寄聲報故人吾久習閉關

題沅叔學使家藏元興文署胡注通鑑

至元精槩本完璧到而今經進遺天祿歸裝勝鬱林貽

謀先澤永聚好古緣深儻續鄱陽刻謨觴得徧斟

凍水閒歸浴身之不仕元治平前序重寶祐大科尊龍

爪多刊正螻居誰過存茂陵應有詔難起鹿庵論此書

匏廬詩存卷六

七

有王馨序不言胡注石遺以為疑按身之卒於丁亥為

至元二十四年注成於乙酉冬距興文署之設皆不甚

遠不知何以能蒐訪及之元初稽古右文可見一斑近

人盛斥胡元殆不足深辨王序不載年月意者作序時

鑑當有足資考證者姑誌所見於此

前門月城大士廟相傳明莊烈聞洪承疇殉難建

祠以配關公嗣知已降清撤之奉佛其事不甚

可信順天府志亦載之今年端午鄉人重修荔

亭故事拈此命題作數首皆無意義偶閱鮑崎

借杯澆塊工拙所不計也

十三壇祭太恩恩忽地降旗捲北風誰遣貳臣汗史傳
本來菩薩是儒童

何不精藍仿憫忠當時部曲半沙蟲卻留紅杏青松卷
白首皈禪痛朴公

九蓮感夢早神恫淨土還留地一弓遼鶴歸來城郭在
降臣何面見江東

千古蹉跎一念中儻知王氣屬天聰蓮臺贏得拈花笑
臣節君恩兩不終

五等崇封不屬公施黃惡少盡元功滇黔辛苦班師日
悟否因緣水月空

奏對如聞啟聖聰前身鎖骨定玲瓏城南誰覓洪莊蹟
一片倡條治葉中

文襄西莊遺址在金魚池側向爲流妓所聚

魏廬詩存卷六

六

